



Broj: 15-03-16-5-23-64/25
Datum: 25.7.2025. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav (1) Zakona o javnim nabavkama („Službeni glasnik BiH“, br. 39/14, 59/22 i 50/24) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

O D L U K U **o izboru najpovoljnijeg ponuđača**

Član 1.

Najpovoljniji ponuđač u postupku javne nabavke **pogonskog goriva za potrebe Agencije - pogonskog goriva za područje Republike Srpske – LOT 1**, objavljen na *web* Portalu javnih nabavki Bosne i Hercegovine, Obavještenje o nabavci, broj 1110-1-1-20-3-55/25 od 25.3.2025. godine, a koji je proveden otvorenim postupkom, je **NESTRO PETROL a.d. Banja Luka**.

Član 2.

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom njene objave na *web* stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Nakon provedenih aktivnosti, Komisija za provođenje postupka javne nabavke pogonskog goriva za potrebe Agencije je konstatovala da su do roka za prijem ponuda, dana 28.4.2025. godine do 10:00 sati, na pisarnicu Agencije za identifikacione dokumente, evidenciju i razmjenu podataka Bosne i Hercegovine (u daljem tekstu: Agencija), za - LOT 1 - pogonsko gorivo za područje Republike Srpske pristigle dvije (2) ponude i to ponuđača HIFA-PETROL d.o.o. Sarajevo i NESTRO PETROL a. d. Banja Luka. Neblagovremenih ponuda nije bilo.

Komisija je prema specifikaciji navedenoj u Tenderskoj dokumentaciji, a nakon provedenog postupka analize i ocjene ponuda bila izradila Zapisnik o pregledu i ocjeni ponuda, broj 15-03-16-5-23/25 od 5.5.2025. godine, u kojem su detaljno obrazloženi razlozi za izbor najpovoljnijeg ponuđača. Navedenim zapisnikom je u pogledu ponude ponuđača HIFA-PETROL d.o.o. Sarajevo bilo utvrđeno da je ista nekvalifikovana s obzirom da ovaj ponuđač nije dostavio potpun dokaz tražen tačkom 6.5.1. pod a) Tenderske dokumentacije. Navedenim dokazom se potvrđuje ispunjavanje uslova postavljenog tačkom 6.5. Tenderske dokumentacije, te je ovaj ponuđač u svojoj ponudi izjavio da se u skladu sa članom 48. stav (4) Zakona o javnim nabavkama za određene lokacije oslanja na kapacitete svog poslovnog partnera Nešković d.o.o. Bijeljina, ali za gorivo ovog privrednog subjekta nije dostavio sertifikate o kvalitetu goriva koje se nudi. U skladu sa navedenim i da je ponuđač NESTRO PETROL a.d. Banjaluka ocijenjen kvalifikovanim, a



Ivana Franje Jukića 2, 78000 Banja Luka
Tel: + 387 51 340 170
Fax: + 387 51 340 180



Ивана Фрање Јукића 2, 78000 Бања Лука
Тел: + 387 51 340 170
Факс: + 387 51 340 180

njegova ponuda pravilnom i prihvatljivom, Komisija je predložila da se ponuda ponuđača NESTRO PETROLA a.d. Banja Luka izabere kao najpovoljnija u postupku javne nabave pogonskog goriva za područje Republike Srpske, na osnovu kojeg prijedloga Komisije je donesena Odluka o izboru najpovoljnijeg ponuđača, broj 15-03-16-5-23-28/25 od 13.5.2025. godine.

Na navedenu odluku žalbu je izjavio ponuđač HIFA-PETROL d.o.o. Sarajevo, a koju je Kancelarija za razmatranje žalbi BiH usvojila svojim rješenjem, broj JN2-01-07-871-6/25 od 19.6.2025. godine, te poništila odluku Agencije od 13.5.2025. godine i predmet vratila Agenciji na ponovni postupak.

U ponovnom postupku Komisija je cijenila prihvatljivost ponude u skladu sa odlukom Kancelarije za razmatranje žalbe BiH, te prihvatila ponudu ponuđača HIFA-PETROL d.o.o. Sarajevo. U skladu sa navedenim i odredbama Tenderske dokumentacije zakazana je i održana e-aukcija cijena ponude između ponuđača, te je Komisija sačinila Zapisnik o pregledu i ocjeni ponuda, broj 15-03-16-5-23/2025 od 23.7.2025. godine, u kojem je prema rezultatima e-aukcije, u postupku sa kriterijumom najniža cijena, predložila donošenje odluke o izboru **NESTRO PETROLA a.d. Banjaluka sa ukupnom cijenom ponude od 51.900,00 KM bez PDV-a, što iznosi 60.723,00 KM sa PDV-om**, za najpovoljniju ponudu u postupku javne nabavke pogonskog goriva za područje Republike Srpske. Navedena ponuda u ekonomskom i tehničkom smislu zadovoljava zahtjeve ugovornog organa iz tenderske dokumentacije.

Na osnovu prijedloga Komisije odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje, u roku od deset (10) dana od dana prijema ove odluke, Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR

Prof. dr. Almir Badnjević

Signed by: Almir Badnjević

дигитално потписано / digitalno potpisano / digitally signed